



中國方志叢書·華北地方·第四六二號

據

清·洪亮吉、陸繼畲等纂  
乾隆五十二年刊本

影印

河南省

# 登封縣志

(三)

成文出版社有限公司印行



登封縣志卷二十一

太常寺博士洪亮吉

同纂

登封縣知縣陸繼萼

循吏傳

漢

朱寵 後漢紀字仲威杜陵人爲潁州太守表孝悌理

冤獄撫孤老功曹主簿皆選明經高行者百姓翕然

治甚有聲

唐

盧殷 韓愈盧尉墓誌范陽人元和初爲登封尉能詩

自少至老可傳者千餘篇與孟堅孟郊相推挽竟以

錢登封畱守尹爲其葬事韓愈與買棺又爲作

銘

應靖 縣志真定人僖宗時除登封令有惠政邑人立  
一廟祀之

志

李仲甫 李通志字子山廬江人英宗時知登封縣轅  
轅道險厄仲甫傭民鑿爲坦塗人便之刻石頌美

異

甫上耆舊傳字試可四明人建中靖國初除登

封令甫下車問民間便苦次第興除暇則單車行野

而勸課農桑力田者賞否則罰以徵民有訟諭令和

議不待爰書有刑罰之風著有二十四峰詩三十六

金

縣志

薛居中 元好問薛候去思頌字鼎臣臨漳人太和中  
進士興定二年蒞登封貸逋賦以寬流亡假閑田以  
業單貧方春觀耕勉之孝悌懇切至到人爲感動以  
仁心爲質不屑屑於法禁人有犯薄示之辱教之改  
過而已吏畏民愛教化大行於是刻石頌德

元

李自明 縣志燕人元貞間任登封尹性廉平工詞翰  
薄賦輕役畱心養教

齊秦 李通志古城人至正間爲登封薄興學勸農平

登封縣志卷二十一  
獄均役九年政成民爲樹碑誦之

鄭文卿 縣志奉寧人至正間爲登封尹論民禮義數年政平訟理

明

山錫之 縣志蘇州人洪武六年任登封縣改創縣治學社壇廟政專尙寬和與民休息好吟咏時以文學飾吏治者稱首唱焉

博英 登封志雖州人由薦舉任訓導勤于厥職士人多被其化愛山川之秀遂成望族

容庸 李通志城固人永樂中知登封縣居民席守中姪被虎嚙死庸齋沐投䟽中獄禍不旬日虎自投守

中智井中人以爲德政所致

梁成 登封志榆次人宣德元年任登封知縣爲政有方吏民安堵

孫謙 登封志蘇州人正統二年任登封知縣治民有法去後思之

張寧 登封志清苑人正統五年任登封知縣愛民飭吏遠近著聞

趙興 舊志膚施人正統十一年任登封知縣政尙寬和民懷其德

于寶 舊志寧海人成化六年知登封縣廉能果斷吏民畏服



王璟 舊志沂州進士成化十年任登封知縣廉明果斷不恤浮言時亢旱齋沐禱嶽祠爲民請命俄頃大雨歲有秋擢監察御史累遷吏部侍郎祀名宦

候觀 舊志雄縣進士成化十六年任登封知縣治尙寬簡民情浹洽時嶽祠頽傾適縣治築牆得埋錢若干乃以之庀材傭役毀宇爲之煥然人以爲神助歷遷戶部尙書

鄺珩 登封志任邱進士宏治十三年知縣事建儒學兩廡戟門累陞工部郎中祀名宦

侯泰 登封志嘉定舉人嘉靖間知縣以教養爲先修理文廟增社學復嵩陽書院葺建許山周公二程諸



祠鑿峻嶺坡之爲坦途功德至今稱之

劉思溫 登封志渾源人嘉靖年任知縣均差徭修城池民利賴之

胥如思 登封志三原進士嘉靖間以御史左遷知縣才優政練令行禁止因稅糧不均毅然任清丈惜未竟而去

王光佐 舊志新昌進士正德初仕登封知縣作士惠民

孫秉揚 舊志懷遠進士隆慶六年任登封知縣恪勤洊事平易近人陞廣東副使

丁應泰 續通志江夏進士萬歷二十二年以刑科給

事中左遷登封知縣專精吏事講鄉約息獄訟四方  
流民歸者如市置學田三百畝邑人肖像祀之

傅梅 通志字元鼎邢臺舉人萬歷中知登封縣發奸  
摘伏遠近有神明之稱清義倉之蠹躬賑窮鄉兩年  
旱民不苦飢待士有禮文會中賞識不羣修縣署學  
宮廟祠創四門樓週圍城垣盡易以磚至今賴之倣  
史記體例作嵩書十三篇政事文學兼擅焉陞大理  
評事士民建祠立去思碑歷台州知府歸里城陷死  
贈太常寺少卿

唐詒 舊志字心嚴掖縣舉人萬歷四十年知縣繼傅  
梅之後不事更張民賴之尋行取去

劉餘祐 舊志字玉孺宛平人進士萬歷末知登封縣  
多惠政調繁河內士民建祠立碑遷兵部尙書祀名  
宦

劉鼎 通志富順人崇正初以孝廉任登封教諭爲文  
博奧竒古首開登封邑文運士子至今誦之

鄢廷誨 登封志永福人歲貢崇正十四年任知縣時  
登飢亂誨聞命單車就道甫之任恩義取信於人未  
幾寇至死於官民至今祀之

劉祿 明史忠義傳字誠吾中部人祖仕刑部郎中以  
諱大禮廷杖父爾完歷知商邱名山有學行祿性孝  
母没于名山四千里扶視過劍閣雲棧以肩任崇正



十四年由鄉舉授登封知縣土寇爲亂裡練壯士且  
守且戰寇不敢近十五年李自成陷其城裡被縛自  
成以周郡故欲降之裡叱曰豈有奕世清白吏肯降  
賊耶自成義之遣賊將反覆說裡執彌勵乃見殺贈  
僉

國朝

張朝瑞 通志廣寧人順治五年知登封縣年少英毅  
洞悉民隱招徠流亡給牛種勸墾荒常單騎督課農  
桑旣修學宮嚴保甲立義學民俗丕變遷御史巡按  
湖北瀕行父老追送百餘里祀名宦

張璵 通志長洲貢生知登封縣政以教養爲先修理

文廟興復書院巡行阡陌賑恤貧獨以卓異陞廣西南寧府判士民號泣李留康熙六十年祀名宦

葉封 續通志字井叔嘉興進士知登封縣爲政識大體倡復嵩陽書院纂輯嵩山志陞任去

成躍龍 登封舊志字鱗皇鄉寧生員順治二年任知縣兵燹後百姓不遑寧處躍龍撫恤善良震懾強暴流民漸復業辦農具製紡車給粟米立義學治邑如治家民甚德之尋陞兵馬司指揮去之日老幼男女攀轅泣送者不絕

高岫 舊志字雲生寧晉副貢順治三年任登封縣時李賦遺孽蠢動岫先發制之餘乃安輯以調去民立

碑志思

萬姓蘓 登封舊志字更生農城貢生康熙十四年任  
知縣奉徼清丈遺愛在民至今感焉卒于官

楊世達 登封舊志字輯五揭陽人康熙間由教諭陞  
令治登封十年誠敬慈惠壇廟多所建置去後邑人  
立生祠以祀

施奕簪 登封舊志字佩其晉江舉人雍正十三年任  
知縣勤于政事多所修建輯邑乘秉公無私人尤稱  
之

先賢傳

周

甫侯 申伯 毛詩李黃集解詩崧高惟嶽郭璞注爾雅蓋依此名周語齊許申呂皆姜姓也甫侯卽穆王時訓夏贖刑者皆四嶽之後故連言之言崧高之山在穆王時則生甫侯在宣王時則生申伯是二人者皆爲周空屏翰四國皆賴之爲蕃衛

漢

王霸 後漢書本傳字元伯潁陽人少爲獄吏常慷慨不樂父奇之遣西學長安漢兵起光武過潁陽遂從繫破王尋於昆陽還休鄉里請其父願從父曰吾老矣不任軍旅汝往勉之從至洛陽及光武爲大司馬以霸爲功曹令史從度河北及王郎起光武令霸至



市中募人將以繫郎光武卽南馳至下曲陽聞王郎  
兵在後從者皆恐至虜沱河無船不可濟光武令霸  
往視之還卽詭曰冰堅可度遂前比至河河冰亦合  
乃度未畢數騎而冰解光武謂霸曰安吾衆得濟者  
卿之力也以爲軍正爵關內侯旣至信都拔邯鄲追  
斬王郎得其璽綬封王鄉侯霸善撫士卒死者脫衣  
以歛之傷者躬親以養之光武知其曉兵愛士可獨  
任拜爲偏將軍建武二年更封富波候五年拜霸爲  
討虜將軍六年屯田新安八年屯田函谷關擊滎陽  
中牟盜賊皆平之九年霸與吳漢等擊盧芳將賈  
宇高柳匈奴遣騎助芳漢軍遇雨戰不利明年復連

戰與平城下破之追出塞增邑戶更封向侯霸在上  
谷二十餘歲大小數十百戰邊人降服定封淮陵侯  
永平二年以病免卒子符嗣徙封軹侯符卒子度嗣  
度尚顯宗女浚義長公主爲黃門郎度卒子歆嗣  
祭遵 後漢書本傳字弟孫潁陽人少好經書喪母負  
土起墳光武破王尋還過潁陽署遵爲門下史從征  
河北爲軍市令尋拜爲偏將軍以功封列侯建武二  
年拜征虜將軍定封潁陽侯與景丹等南擊宏農厭  
新栢華蠻中賊督中遵口洞山流血衆見遵傷稍退  
遵呼叱止之遂大破賊時新城蠻中山賊張滿屯險  
爲害詔遵攻之而厭新栢華餘賊復與滿合遵乃分